

# Tydi sy deilwng oll o'm cân

(Thou who art worthy of all my song)

Matthew W. Davies, 1882-1947

Godre'r Coed  
C.M

Tydi sy deilwng oll o'm cân,  
Fy Nghrewr mawr a'm Duw;  
Dy ddoniau di o'm hamgylch maent,  
Bob awr yr wyf yn byw.

Mi glywa'r haul, a'r lloer, a'r sêr,  
Yn datgan dwyfol glod;  
Tywynu'n ddisglair yr wyt ti,  
Drwy bopeth sydd yn bod.

O! na foed tafod dan y rhod  
Yn ddystaw am dy waith;  
Minnau fynegaf hyd fy medd  
Dy holl ddaioni maith.

Diolchaf am dy gariad cu,  
Yn estyn hyd fy oes;  
Diolchaf fwy am UN a fu  
Yn gwaedu ar y groes.

Diolchaf am gysuron gwiw,  
Wyf heddiw eu mwynhau;  
Diolchaf fwy am ddoniau sy'n  
Oes oesoedd i barhau.

David Charles